

Հակոբ Սողոմոնյան

Թ Լ Փ Ա Տ Վ Ա Յ Ն Ե Ր Ը

ԳԻՔ ԵՐԿՈՒՄԻ ՀԱՄԱՐ

Եռագրություն

Գ ի թ թ ա ո ա ջ ի ն

Ն Ա Խ Ա Ղ Գ ՈՒ Ծ Ա Յ ՈՒ Մ



Երևան 2012

... Այնպես, ինչպես Շերտալիթի գրամաներուն մեջ, օրինակ, Յագոն նույնքան մարդկային է, ինչքան Օթելլուն, և ինչպես որ Օթելլուն Օթելլո չէ և չի կրնա ըլլալ առանց Յագոյի, նույնպես էլ Հայր Հայ է, որովհետև ճակատագիրը անոր դեմ հաներ է թուրքը, մին ընելով նահատակ, մյուսը՝ նահատակող, և սակայն երկուքն ալ խաղաղիքենը՝ իրենց ճակատագրի մեքքը: Երկուքն ալ հավասարապես մարդիկ են, որոնք իրենց վիճակված ձևով կտառապեն: Վեպին աշխարհը դժոխք մըն է, ուր մարդիկ կտանջվին: Հայը կփրկվի, սակայն, մեռնելով, իսկ թուրքը մեռնիլ ալ չի կրնար: Վեպին մեջ Հայը և թուրքը մարդկային հույս երկու բևեռներ են...

ՎԱՋԳԵՆ ԱՌԱՋԻՆ

«Մուսա լեռան հայերը Ֆրանց Վերֆելին վեպին մեջ»
Եռվարեան, 1940

Ինչ ունես քակում

Հիտուս Քրիստոս անցնում էր մի գյուղով: Հավարվեց նրանից դժգոհ մարդկանց բազմություն, շրջապատեց նրան և սկսեց ծանակել ու հայիռել: Իսկ Հիտուս կանգնել ու ժպտում էր: Մի մարդ, որ հետևում էր կատարվածին, մոտեցավ Հիտուսին և հարցրեց, թե ինչո՞ւ է նա այդպես վարվում: Եվ Հիտուս պատասխանեց. «Յուրաքանչյուրը տալիս է այն, ինչ ունի իր քակում»:

Մամլո հաղորդագրություն

«Որքերս երևանում տեղի ունեցավ Հայոց ցեղասպանությանը նվիրված գիտաժողով: Մասնակցում էին աշխարհաօջակ ցեղասպանագետներ, գիտնականներ, հասարակական ու պետական գործիչներ ողջ աշխարհից: Ներկա էին վերապրածներ: Գիտաժողովը հեռադնակվում էր միջազգային ու տեղական հեռուստաալիքներով, համացանցային օնլայն կապով, նկարահանվում որպես տարեգրություն: Մասնակիցները փաստեցին, որ 1915 թվականին Բուրքիայում տեղի է ունեցել մարդկության պատմության արաջին ցեղասպանությունը, որի ժամանակ սպանոյի է նեթարկվել շուրջ մեկուկես միլիոն հայ, քնօրրաննից տեղահանվել և հայրենազրկվել է մի ողջ ժողովուրդ:

Գիտաժողովը միաձայն ընդունեց քանաձև, որով դատապարտում էր Հայոց ցեղասպանությունը և դիմում աշխարհի ժողովուրդներին ու պետություններին՝ կոչ անելով ճանաչել, դատապարտել Հայոց ցեղասպանությունը և միանալ գիտաժողովի հայտարարությանը:

Այստեղ հիշատակված չէր Քուրբիա պետությունը և թուրք ժողովուրդը:

Գիտաժողովը կազմակերպված էր բարձր մակարդակով: Գիտնականներից ու մասնագետներից բացի հանդես եկան նաև ցեղասպանությունից մազապորժ հատուկներտ անձինք, հնչեցին ականատեսների վավերական վկայություններ, ցուցադրվեցին հազվագյուտ փաստաթղթեր ու լուսանկարներ:

Հ.Գ.

Եղա՛մ նաև արտատոց միջադեպ:

Ոչ գիտական, անհավատալի ելույթ ունեցավ մի տարօրինակ անձնավորություն, որը, ինչպես պարզվեց, գրանցված չէր ոչ մասնակիցների, ոչ հրավիրյալների ցուցակում: Նա բոլորի վրա թողեց հուզեգարի տպավորություն: Նրա ելույթը ուշադրության չարժանացավ գիտաժողովի մասնակիցների կողմից և չարձանագրվեց: Բայց այն մեծ հետաքրքրություն առաջացրեց լրագրողական շրջանակներում: Բեն մեր թղթակիցը փորձեց հանդիպել տարօրինակ բանախոսին և հարցազրույց անցկացնել, սակայն նրան գտնել չհաջողվեց: Նույնիակ գիտաժողովի կազմակերպիչները չկարողացան որևէ տեղեկություն հաղորդել նրա մասին: Անհայտ է, թե նա ինչպես է հայտնվել գիտաժողովում: Անհատականալի է նաև, թե այդ ընթացքում ինչով էին գրադված հատուկ ծառայության աշխատակիցները: Բեն պետք է ենթադրել, որ նրանք անմասն չեն խորհրդավոր հոնտորի անհետացումից:

Չնայած այս միջադեպին, ինչպես ասվեց, գիտաժողովն անցավ բարձր մակարդակով, ինչը վկայություն է այն բանի, որ մարդկությունը և հայ ժողովուրդը պատրաստ են դիմագրավել ցանկացած մարտահրավերի և փորձության»:

■ Մոլորված սպան

Հատուկ ծառայության կապիտան Հովհաննես Մահտեսյանը զայրացած նայեց շուրջը՝ հայացքով փնտրելով այն անփույթ աշխատակցին, որի մեղքով տարօրինակ անձնավորությունը կարողացել էր ոչ միայն ներթափանցել նիստերի դահլիճ, այլև մոտենալ խոսափողին ու անարգել ելույթ ունենալ: Աշխատակիցներն իրենց տեղում էին: Կապիտան Մահտեսյանը զգաց, որ նրանց զգոն հայացքից ոչինչ չի վրիպում: Բայց, այնուամենայնիվ, վրիպել էր: Տեղում էին նաև գաղտնի գործակալները. մեկը՝ որպես լրագրող, շրջում էր նախասրահում հավաքված քաղմության մեջ, երկրորդը՝ որպես հնչյունային ռեժիսոր, երբեմն հայտնվում էր թեմում, երկուսը՝ որպես մասնակից, տեղ էին գրավել դահլիճում, իսկ մյուսը, հավաքարարուհու կապույտ խալաթը հագին, հսկում էր համապատասխան վայրում:

Սակայն Մահտեսյանը նրանցից տեղեկություններ ստանալու վրա ժամանակ չվատնեց. դա հետո: Առաջին հերթին անհրաժեշտ էր հասնել անձանտթին, որը միջանցքով արագ-արագ գնում էր դեպի ելքը: Մահտեսյանը արագացրեց քայլերը: Անձանտթը կարծես զգաց վտանգն ու ուսի վրայով ետ նայեց: Նրա հայացքը նույնքան տարօրինակ էր, որքան ելույթն ու արտաքինը: Այնտեղ մոայլության աստիճան տխուր, հուսարեկ վճռականություն կար և անկենդան սառնություն, որից Մահտեսյանը փշաքաղվեց և մի պահ նույնիսկ կարկամեց: Նրա մտքում առկայծեց մի քան, որ նույնքան անհեթեթ էր, որքան խորհրդավոր հոնտորի հայտարարությունը. քիչ էր մնում մտածել, որ անձանտթը թերևս հենց այն անձնավորությունն է, ում անվամբ ներկա-